

Kepada Anggota-anggota Ikhwan

Saudara-saudara anggota Ikhwan.

Dalam keluaran yang lalu telah kami terangkan tentang bagaimana kita mesti menghormati kedua-dua ibu bapa kita. Hal ini sangat mustahak diperhati oleh kita, sama ada yang telah beranak-pinak atau yang masih muda supaya mereka ketahui bahawa sesudah kita diwajibkan Tuhan untuk hanya menyembah kepada-Nya, mengesakan-Nya, maka kita diperintahkan pula supaya berbakti kepada kedua-dua ibu bapa .

Saudara-saudara sendiri sudah melihat keadaan-keadaan yang berlaku di sekolah-sekolah Cina di Singapura bagaimana pemuda-pemuda itu tidak tunduk kepada kehendak ibu bapanya, memandang ibu bapa itu sebagai penghalang pendirianya, lalu menjalankan kerja-kerja yang mengikut kemahuan nafsu, dengan tidak memikirkan kerosakan-kerosakan yang boleh terbit daripadanya, menjadikan diri mereka yang sedang menuntut ilmu, alat oleh sesuatu anasir yang menghendaki supaya mereka terpimpin dengan kehendak anasir-anasir yang tidak bertuhan.

Agama Islam, sebagaimana saudara-saudara mengetahui, anjurannya berlainan daripada yang dijalankan oleh lain-lain agama dan anjuran Tuhan itu bersesuaian dengan akal dan fikiran orang-orang yang waras fikiran dan yang bijaksana. Dalam keluaran-keluaran yang lalu saudara-saudara sudah kami tunjukan serba sedikit kewajipan dan tanggungan saudara-saudara untuk menghormati kedua-dua ibu bapa dan banyak telah dibuktikan oleh Allah tentang kebinasaan mereka yang melanggar aturan itu di dunia ini. Saudara-saudara tentu telah mendengar kejadian-kejadian

yang serupa itu.

Jarang benar kita dapati, kaum Muslimin yang mengamalkan dengan sempurna adab dan kesopanan yang dianjurkan oleh *al-Qur'ān* ini. Sebabnya harus kerana jahilnya kepada perintah Allah dan boleh jadi juga sompong atau takbur. Tetapi kami berharap kepada anggota-anggota Ikhwan yang mengaku taat kepada perintah Allah dan mengaku bahawa Muhammad itu pesuruh Allah maka ajaran-ajaran *al-Qur'ān* itu mustahaklah kita perhatikan bersama dan seboleh-bolehnya saudara. Akan mengamalkanya saudara-saudara sendiri telah melihat bahawa tidak sedikit manusia yang diberikan keluasan dalam hata benda dan diberi Tuhan kemahuan hidup telah malu dan enggan mengakui ibu bapanya yang sejati di hadapan sahabat handainya dan sahabat-sahabatnya sudah dalam kesenangan hidup ia memelihara ibu bapanya tidak sebagaimana kedua-duanya memeliharanya dari kecil sehingga besar, iaitu dengan senang hati dan kasih saying, tetapi ibu bapanya yang sudah tua umurnya yang sudah tidak berdaya-upaya lagi bagi mencari sesuap pagi dan petang, yan patuh menerima baelas kasihan anak, telah dibuat oleh mereka sebagai hamba tebusan sebagai suruhan bagi keperluan dirinya. Ada pula sebahagian daripada mereka telah menyumpah ayah bundanya dan mendoakan supaya mereka lekas mati kerana mereka merasa keberatan memliharanya, padahal pada masa yang lampau ibu bapanya itulah yang memeliharanya sejak dari kecil hingga besar, supaya selamat, hidup aman dan sejahtera, dan tidak pula mereka mengeluh kerana menerima beban dan pikulan yang ditanggungnya itu.

Saudara-saudara anggota Ikhwan! Ada pula di antara mereka yang lebih celaka dan derhaka iaitu membunuh ibu bapanya dengan sebab sesuatu perkara yang kecil sahaja. Tentang perkataan kasar, bermuram muka,

pukul dan tendang, ini telah dilakukan oleh manusia-manusia derhaka terhadap ibu bapanya.

Pada akhir ayat tentang kewajipan kepada ibu bapa Allah telah menerangkan bahawa ia mengetahui segala apa yang tersembunyi dalam diri kamu. Ia maha pengampun bagi orang-orang yang tersebut. Maksudnya segala ketulusan dan keikhlasan atau segala kepalsuan dan kecurangan ketika memelihara kedua-dua ibu bapa semuanya Allah ketahui. Kerana ada sebahagian manusia yang menjauhi ibu bapanya bukan kerana hendak berbakti tetapi terpaksa, kerana tiada tempat lain untuk menumpangkan kedua-dua mereka. Perbuatan yang curang ini diketahui oleh Allah dan tidak akan mendapat ganjaran daripada perbuatan yang curang itu. Kesan-kesan ini ternyata daripada apa yang kita lakukan terhadap mereka kerap kali ditunjukan kepada mereka yang berfikir, yang insaf kepada ketinggian dan kemuliaan pengajaran Tuhan. Tetapi meskipun demikian dalam masyarakat kita jarang benar ada yang memerhatikan gambaran-gambaran itu dengan saksama lalu diamalkan atau beramal menurut pertunjuk-pertunjuk yang telah diberikan Allah kepada mereka, ini sama sebagaimana perbuatan-perbuatan air susu dibalas dengan air tuba.

Wahai anggota-anggota Ikhwan, wahai pemuda-pemuda yang masih mempunyai ibu bapa!! Taatilah mereka, hormatilah mereka dan sayangilah mereka daripada hati sanubari kerana sekiranya saudara-saudara terlingkung dalam orang-orang yang memuliakan mereka, yang menyanjung serta mengasihi mereka, nescaya saudara-saudara akan menjadi orang-orang yang akan berbakti kepada Allah dan mendapat kelimpahan dan kemewahan daripada-Nya.

Saya rasa sekian memadai tentang ini dan marilah kita beralih lepada bahagian yang lain yang mengenai dengan undang-undang “Ikhwan” iaitu: Kewajipan kita

terhadap kaum keluarga, orang miskin dan penuntut-penuntut yang keputusan belanjanya. Kewajipan-kewajipan itu terkandung dalam firman Allah yang berbunyi: *waa 'ti dha al-Qurbā haqqahu wal miskīn wabna al-sabil*.

Maksudnya: “ Hendaklah engkau berikan hak kaum keluarga dan orang miskin dan penuntut-penuntut yang keputusan belanjanya.”

Kaum keluarga iaitu orang-orang yang sangat hampir perhubungan persaudaraanya dengan ibu bapa kita, dengan kita sendiri seperti saudara-saudaranya, anak-anak saudaranya dan ayah bundanya. Pertalian mereka pula tidaklah berjauhan daripada kecintaan ibu bapa itu sendiri kepada kita. Pada masa ibu bapa kita menerima kesusahan atau ditimpa bahaya biasanya mereka itulah yang lebih dahulu datang menolongnya dan membantu meringankan beban dan tanggungan ibi bapa kita. Tegasnya merekaalah orang yang lebih dahulu memberi pengorbanan kepada ayah bunda kita sebelum orang lain.

Pernah juga kedua-dua ibu bapa kita mendapat hal-hal yang sukar, yang tak boleh kita kerjakan olehnya sendiri dan mustahak dikerjakan bersama maka sudah terang ibu bapa kita itu meminta bantuan dan pertolongan dari mereka dan mereka tidak keberatan pula memberi pertolongan dengan harta benda, tenaga dan fikiran mereka.

Kalau ibu dan bapa kita telah tua dan tidak kuat bekerja atau berdaya upaya atau pun sudah meninggal dunia maka mereka itulah yang menjadi penggantinya dan mereka itulah pula yang memelihara kita dengan kasih sayang dan tulus ikhlas dan tidak mereka bezakan di antara kita dengan anak-anaknya bahkan di sesuatu negeri lebih diutamakan kecintaan dan pengurusan anak saudaranya daripada anak sendiri.

Ajaran agama Islam tidaklah menyuruh sampai begitu sekali keterlaluan dalam hak mencintai anak-anak saudara hingga mencuaikan keperluan dan kepentingan anak sendiri dan peraturan dunia pun tidak menyetujui hal yang serupa itu. Ingat kepada besar jasa kaum keluarga dan kasih sayang mereka dengan kita hampir sama dengan kasih sayang ibu bapa kita sendiri, maka agama Islam pun memerintahkan supaya kita berbuat baik kepada mereka itu, menganjurkan kepada tiap-tiap pemeluknya supaya dalam membuat wasiat - jika mempunyai harta - hendaklah memberikan kepada saudara-maranya (keluarga) yang miskin dan yang berhajat bantuan dengan dibenarkan seperti daripada harta-harta dibahagikan untuk keluarga yang hampir - begitulah anjuran agama kita.

Berbuat baik kepada mereka.ialah menolong mereka di waktu kesusahan dan bahaya, menghubungkan tali silaturrahim, memeliharanya dengan baik dan jika sekiranya mereka tidak berupaya lagi untuk bekerja hendaklah mereka dipelihara dengan baik bagaimana kita memelihara ayah bunda kita sendiri. Janganlah kita bezakan di antara keluarga yang miskin dengan yang kaya atau yang mampu, sebagaimana juga mereka tidak membeza-bezakan kasih sayang antara anak-anaknya sendiri dengan kita, menghormati dan berlaku sopan-santun kepada mereka. Jika itu dibahagikan dengan secukupnya nescaya jaranglah terdapat kaum keluarga kita sengsara dan melarat hidup dalam kepapaan.

Saudara-saudara! Mereka yang melarat dan sengsara itu, sangat mengharapkan pertolongan daripada saudara-saudaranya yang mampu dan hidup mewah tetapi mereka yang digharapkan pertolongan itu sama sekali melupakan kewajipannya terhadap kaum keluarga dan sanak-saudaranya bagaimanakah kita kaum Muslimin hendak mengurus kampung atau negeri,

hendak mengurus satu bangsa sedangkan urusan keluarga sendiri telah kita cuaikan atau tidak dapat menjayakannya? Banyak kaum Muslimin yang mencuaikan kewajipan kaum keluarga dan banyak pula malu mengakui seseorang keluarganya sendiri, keluarganya yang dalam kemiskinan dan kemelaratan, kerana mereka sudah menjadi kaya-raya jadi hartawan, sudah berperasaan bahawa harta benda itu telah mencukupi. Segala kesusahan serta lupa bahawa harta benda itu mudah hilang dan hapus daripadanya.


Berkenaan ini Nabi Muhammad (SAW) bersabda maksudnya: “ Tidak masuk syurga orang yang memutuskan, yakni orang yang memutuskan tali silaturrahim hadis sahih riwayat Bukhari dan Muslim.

Dengan ini nyata bahawa tanggungan berkeluarga itu sangat besar dan tanggungankita kepada mereka berat dan akan ditanya nanti di hadapan Tuhan jika kita mencuaikan dan tidak mengendahkan keadaan dan hal mereka. Banyak terjadi bahawa keluarga miskin, kalau kita kaya seakan-akan mengedeng kepada kita, cuba-cuba mengabdikan diri kepada kita kerana mengharapkan bantuan padahal kewajipan itu bukannya kewajipan dirinya tetapi kewajipan kita bahkan bagaimana yang kami sebutkan tadi dalam peninggalan harta apabila membuat wasiat untuk saru pertiga maka dianjurkan ialah kepada ayah bunda kita, keluarga kita yang hampir _ lain tidak supaya mereka tidak terkelindan, tidak ditinggalkan dengan begitu sahaja dengan tidak mendapat kelimpahan daripada harta peninggalan.

Ini adalah contoh bagaiman Islam melaksanakan perkembangan masyarakat, masyarakat Islam terang dan nyata bahawa tiap-tiap sendi masyarakatnya terlebih dahulu menuaikan penyelenggaraan masyarakat rumahtangga, kemudian keluarganya,

kemudian jiran, dan apabila telah dapat berbuat demikian terang dan bererti saudara-saudara sudah pun dapat menunaikan satu kewajipan yang berat dalam lingkungan saudara-saudara sendiri dan sesudah itu baru diwajibkan kemudian yang lebih kuasa untuk menyelenggarakan tanggungjawab sebagai satu umat yang mengakui bahawa tidak ada Tuhan yang disembah melainkan Allah dan Muhammad pesuruh Allah. Hidupnya untuk memberi teladan-teladan kepada penyelenggaraan yang demikian dengan cara dan kaedah supaya umatnya, umat Muhammad

mentauhid yang kan Tuhan dapat menyelengarkan hidup di dunia berbahagia dan tidaklah kehidupannya semata-mata bergantung kepada kebendaan tetapi itu ducari dan dilimpahkan lebih dahulu kelengkungan rumah tangga, keluarga, *ahl al-bayt* sehingga Rasulullah bersabda yang maksudnya: “Berbuat baiklah kepada ahli-ahli kamu dan aku ialah orang-orang yang amat baik kepada ahli-ahliku sendiri.” Mudah-mudahan Allah telah memberi petunjuk kepada kita berpegang kepada asas yang diasaskan oleh junjungan kita itu.



Sebahagian dari pelajar-pelajar Madrasah al-Idrisiyah (Kuala Kangsar) bergambar kerana memberi selamat berpisah kepada Saudara Ismail bin Haji Abdul Rahman (duduk di tengah) yang akan melanjutkan pelajarannya di Ma'had al-Mahmud Kedah.